



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1655**

§. 147. Iesus autem stetit ante Præsidem. v. 11.

**urn:nbn:de:hbz:466:1-45515**

sumptum peccatoribus, præberet, sed peregrinis mortuis requiem, ut intelligamus Christi Passionem, non in solis viventibus habere vim, & ad eos pertinere solos; sed & ad mortuos, quod convenienter scripturis semper credidit & credit Ecclesia Catholica, dum sacrificium Christi, non solum pro viventibus, sed & defunctis, obstrepenibus licet Pseudo-Evangelicis, quotidie in orbe terrarum immolare non cessat.

**D**omine Jesu Christe, qui voluisti ut prelio sanguinis tui ager ille totius mundi, & filii sempiterni emeretur in sepulturam & requiem peregrinorum: peregrinus à te sum ego miser & imbecillus, longè à virtutibus & mandatis tuis evagatus, cupio redire ad te: concede ergo gratiam mihi peregrino & misero, ut ita in hoc agro mundi vivam peregrinus, ut aliquando inveniam absoluta peregrinatione mea requiem sempiternam. Amen.

§. 147. Iesus autem stetit ante Praesidem. v. II.

Absoluto tragicò interludio de Iudâ proditore, redit Evangelista ad Christi Passionem virtutes & merita, & dicit, *quod steterit Iesus ante Praesidem.* Ecce homo, ecce Salvator tuus, legifer tuus. Deus tuus quo modo humiliat se, ut coram creatura sua Creator, Dominus coram servo, Deus coram homine stet humiliatus, agnoscens in homine creatura sua potestatem, & prælataram Judicis, uti reus se habet Dominus coram servo, imo sedente servo stat Dominus, submissis oculis expectans vel sententiam vel interrogaciones servi, ô inversum ordinem! sed vide hic, ô superbū animal, Hemo. Vide, an tu coram Deo tuo te ita humilies: an non subinde ex mera ignavia sed eas coram Deo tuo in Eucharistia? An & coram minore te sedente stares adeò humili? Non credo. Veruntamen ea est humilitas & virtus Christi.

**P**udeat me, Domine, quod ita superbū sim, ut tibi similia needum facere possum aut velim, te duce & præcedente. Velim, ô, velim Domine humiliare me in omnibus propter te: & à me discedat omnis phantasia superbie, ut semper humili tōto corde & puro affectu tibi sincere serviam & placeam. Ita me Deus adjuvet & amet.

§. 148. Et interrogavit eum preses. v. II.

Præses facit officium boni Iudicis saltem politice, quia accusatum interrogat de reatu suo, ut possit secundum allegata & probata iuste rudicare, ne ab ipsis Iudeis apud Caesarem accusari posset, de negata vel male administrata iustitia. Utinam omnes Iudices sic facerent, nec tam cito ad verba adversariorum, vel amicorum suorum sententiam ferrent, donec bene examinata causâ, vel ipsis reis confitentibus veritas pateret.

M 2

ô Iesu